

辰頭封嘉號俱錫服章爰輝簡編光揚香榻
不任之至

廣成集卷之一

廣成集卷之二

敬二

上知太清宮內供奉應制文章太監馬貴姓先庭撰
詔與黃萬祐相見謝表

臣某言伏奉宣旨令臣就內樞密院與弘道
大師黃萬祐相見者天慈軫念俯及存微荷
戴難勝親榮增極臣某中謝伏惟陛下化弘
有道理高至仁憂勞普及於萬方軫念無遺
於一物故得眠雲逸士遙馳向闕之心傲世
高人盡識朝天之禮弘道大師夙探至術深
隱巖巖名姓可聞儀形莫覩今者爰隨微詔
直詣闕庭捨草帶荷裳籠紫衣師號事尤史
筆榮耀道門伏蒙聖慈宣命微臣與之相見
獲奉睿明之獎得瞻雲鶴之容步武登天躋
昇蓬島祇膺異渥榮耀萬生願惟鶴鷄之微
何報乾坤之德且某不任

奏於龍興觀照玉局劄子

右臣先蒙今年十月二十二日宣賜舊玉局
洞門官舍一所并石像老君一座移在當觀
其舍今於殿後講堂基上起立功畢便用安
置石像老君焚修供養伏以名山大川二十

四化春秋常祀著在舊儀其玉局化所修常
醮伏請起天漢元年二月八日委本府縣抵
就龍興觀玉局石像老君前修設奠免曠闕
以叶敬恭又北却化在雋州積年已未醮祝
皆闕况居率土之內宜申感秩之文前件已
化今亦欲就龍興觀一處與玉局同用延祝
景祝永福聖朝謹舉如前伏聽勅旨

皇帝為太子生日設齋表

右臣伏奉聖旨為皇太子生辰宣賜莊宅庫
錢陸拾貫文省除於北帝院差選道衆二十
一人於七月八日開置黃籙道場七晝夜至
十五日散齋者伏以紫氣充庭青宮誕慶動
歡聲於六合疑喜氣於九重凡在寰區皆虔
祝賀伏惟陛下恩周中外念軫良寮以皇太
子素切修行常思儉約懼無名之破費使衆
力之煩勞應諸司欲有齋修並令止的頒賜
內庫錢物特開仙觀壇場析玉京金闕之真
廣宸殿離方之福美高典冊事邁古先臣某
獲奉絲綸將申焚祝觀惟新之龍澤垂鴻大
之宏規不任抃蹈之至謹錄狀陳賀謹奏

諸老君殿修黃籙齋表

臣某伏奉宣旨於北帝院奉太上老君修黃籙道場三日設齋散壇給內莊宅庫錢陸拾貫文省除差選道衆二十一人行道禮懺須令精潔伏惟陛下功包五帝德懋三皇凝旒敷有道之風端表暢無為之化宸心睿感萬靈響應以潛通睿想遐周四海雲隨而奉聖故得乾坤交泰日月貞華歲年康風恒雨若神戈所指長蛇與封豕皆誅惠運所覃虐愆與潛蟄自屏由是仙山邃洞休瑞繼開玉印銅符損祥開出今則拯橫流之難與時雨之師將廓八溟同歸一統而猶翹心玄教讓德皇穹於中元齋潔之期備三境香花之會上答玄元聖力持闡黃籙寶壇用臻巨福洪休充固珥國膺壽日獲隆聖獎祗奏德音唯勵精誠以虔焚祝不任荷載之至

宣示解秦邊垂謝恩表

臣某伏奉聖旨宣示東北面軍前所奏得鳳翔出歸官健王彥劉等分析賊中事宜并有謠言秦邊垂曲予待來年者臣某言伏以天

道玄微潛司兆朕神功幽晦實主福祥必憑

謠詠之言以告休積之旨昔兵時青童臨於廣陌尋驗吳亡陳時異鳥下於高臺果彰陳滅五星飛落為虞舜受國之期一馬化龍乃元帝與王之應斯皆發於天意感契人心詳考嘉言尤歸聖德伏惟陛下繼天誕膺應運啓圖徇億兆之樂推撫臨海嶽承吳李之瞻命拯救生靈圖寶珍符不求自至夷踪塞責望日爭來而猶北境負恩孤城背義坐積薪之上即致焚燒巢折萃之端立期齏粉果見明神示識里巷傳謠竊聞所告之詞便生剋平之義所言邊垂者乃國家散關之外即是國之時雨之師神道言祥光陳後后之詠成功克敵翹足可期即當蕩定三秦統臨萬國瑤圖寶曆地久天長臣獲奉天慈躬聆吉語輒陳淺見干浼宸嚴不任之至

謝宣賜天錫觀莊表

臣某伏蒙聖慈宣賜漢州通記縣天錫觀唐不則莊壹所永充常住者伏惟陛下繼天受命應運垂裳鴻圖豫定於上清寶冊遠呈於

厚地鼎新觀宇允答休積三殿之像貌崇嚴

終歲之香花精潔今則特頒睿澤廣錫莊田輒彼膏腴永為常住皇慈迥降玄教增榮自茲日給齋羞免有旁求之闕晨香暮燭益專焚祝之心析聖壽之延洪保宏基之隆永臣某叨榮聖獎躬荷殊恩不任之至

謝恩令僧行真修丈人觀表

臣某伏觀惠進大師僧行真狀奉聖旨修育城山丈人真君殿功畢者伏惟陛下恩撫萬方仁深二教祇園運高威均崇飾之慈鹿苑龍宮俱被興修之賜爰於仙宇特命高僧裁申剗剗之功克就莊嚴之勝俄成蓮殿永鎮福庭期五山十洞之靈增彌劫齊天之壽臣獲居玄教躬荷皇慈不任之至

宣為皇子修生日道場散齋表

臣某伏以九天集祝三景凝祥動振殿以飛光降春宮而誕秀華夷增抃億兆同歡皇帝廣捨緡錢精崇齋福必冀上清照鑒隆萬壽於聖躬至道貽休介千祥於儲后克昌大寶永統九圍臣某等獲勵焚修榮頌錫不任

惶懼之至

謝九上尊號表

臣某伏奉恩制命允字臣等所上尊號者丹
慙上陳皇明下囑自天有命率土同歡中謝
伏惟皇帝陛下玄鳥誕商赤符興漢救災拯
溺神寶命世之才日月玄天啓乘時之瑞
懋宏勳而崇睿德功蓋前朝總曆數而廓洪
基祗膺寶運由是三靈改卜萬國攸歸鄙成
湯周武之君陳師用鉞笑劍魏開隋之主傳
寡凌孤振衣而康濟九圍擬梳而光臨太寶
承耀魄中黃之祚執招拒西白之符握金鏡
而照寰瀛人神交泰無瘳穢而觀海島億兆
樂推故得御端門而嘉氣橫軒登圓丘而神
兵扈仗謁清廟而玄雲四卷月瑩中宵膺鴻
名而白氣輕飛煙籠廣砌麟呈沼吐龍躍江
滿草樹含文雲霞絢練金符躡象玉璽流光
雖讓德於上玄已盈編於太史又若天涯地
表右塞南荒列奇貨於明庭貢神駒於天廐
寶香來於絕域美玉薦於殊封漢孝武之四
隅請頒正朔唐高宗之諸國願混車書將復

禹封更開堯土百揆時叙六樂克和信及豚
魚恩加動植於連已責恤獄省刑天無入牢
之星地絕成牛之氣俘囚繫頸成誦鈇鉞之
威孽黨臨誅特有屠錢之錫牲牲肥膺案盛
潔覽敢昭事於神明致仁賢平緩尾達誠心

於天地馨恭恪於郊禋感無不通動叶善應
不樹奢靡不御纖華無沉酒之遊無恣憑之
惑不尚馳騁靡徇收漁靜必肅嚴舉惟典禮
豐財和衆禁暴安人大閱以正武威大蒐以
示軍實饒糈百萬皆蒙輸拔拒之素練犯千
群盡驥子龍孫之駁延獎忠孝博採羣能片
善無遺微功必錄專經維子激之以高科靖
節幽人原之以好爵賞勳敦本務儉勸農歲
多廩畝之糧時豐廉賈野有如雲之稼國富
家肥四隅無垠之勞百里有誨誥之樂星
芒武將功高而武列境洗嶽秀儒臣業贈而
儒風穆穆雖仲謀之興江表玄德之有坤維
較美善功曾何彷彿今則關河克靜軒輊無
誼鄰封之王帛文馳近境之干戈載戢人歡
富壽政洽雍熙文武誠臣願增徽懿中外履

懸華商同辭果迴日月之允俯降允俞之詔
戴圓履矩率土普天觀盛禮而有期仰高穹
而增并臣與道衆等不任頌躍歡呼激切之
至

代人請歸姓表

臣聞磐石之宗義非他族維城之重實自本
枝將垂久大之規合定親疎之分臣自乘文
律職味武經獲獲戎行早塵天渥提戈擊劔
惟傾報主之心比伐南征每並勤王之節伏
自皇帝陛下駕驅豪傑掃蕩寰瀛念其職不
之勞假以殊常之澤賜為骨肉列在宗枋但
勳指無冀酬膺造今屬以乾坤改卜天地降
休上德潛移金行啓運拘華夷之推戴副億
兆之歸依端若而神恭自來遙同舜禋恭已
而龍圖肇創不假周征緘山之寶祚天長淮
水之瑤源地久魏我帝緒頌承綿綿之宗浩
蕩皇基難雜連門之子猶襟負已榮極增憂
輒披昧死之誠甘真逆鱗之罪期分責贖水
叙仙凡伏乞聖慈許臣却還本姓干冒宸嚴
無任待罪望恩涕泗隕越之至

賀太陽合虧不虧表

臣某伏觀司天奉令月一丁未巳時四刻太陽合虧於珍宿十一度至未時四刻復圓今測驗不虧者日華騰景君德齊尊起衍曆而不虧彰睿明之通感中冊伏惟皇帝陛下

元陽誕聖二曜均明昇若木於震宮曜貞輝於乾道體冬曠而流愛九有感息比春煦以延慈二無並照故得大明增彩推策難窺契獲載之殊休越陰陽之常度祥光彌盛玄德動天逾漢日之再中遵堯輝之合璧書之青史實冠瑞圖臣獲奉昌期叨觀嘉貺退顧桑榆之景倍傾葵藿之心不任歡躍之至

謝恩宣示修文人觀殿功畢表

臣某言伏觀長平山惠進禪師行真奏伏惟宜旨重起立丈人觀真君大駁功畢者聖造勞歎仙祠重創巨功克懋靈跡增榮伏惟陛下德洽萬方惠分二教文風遐布殊庭効未服之誠武烈光宣異俗稟霄霜之令蓬宮奈苑成遂與修靈區瞻禮樂之容焉夏誠玄嫻之訓功侔太古美冠前王去冬以丈人觀置

立年深堂無凋壞命高僧而制度賜物力以興隆於是運石他山伐材幽谷樞樞入用剏剛程能俄成大壯之功克致齊天之固虛等燉日廣切橫空雲梯危梁風生疎隔垣墉不改圖畫如新裁圖阜而錦庭除開溝源而護階礎衝流莫及進石難侵遙符睿聖之慈願此殊常之續集奇功於不朽增聖壽以無疆臣叨列玄關夙深皇澤唯虔焚炷上谷休明不任

宣撫丈人觀新殿安土地迴龍恩表

臣某伏奉宜旨以青城山人觀新殿功畢修醮安謝者伏以陛下仁周海岳澤溥儒玄翹屬靈山委恩仙觀殿宇之洞推既久教門之興革無由詔命真備願宣國力宏麗有疑於化出巍幾遠比於神功鎮被福承與天齊水臣獲承慶慶度醮醮壇慶香燭以焚修通真靈而告謝霞華雲壑如聆萬歲之音玉曆金符更廣千禧之壽以今月二十三日設醮訖却迴謹詣閣門奉表起居以聞

賀復神劾進詩表

臣某言伏觀今日越匪業所進合州江上得神劾一口宣示中外者伏以將啓昇平符待必降欲消兇孽神劾呈助聖明新斷之功表天地匡扶之力伏惟陛下功超三五威肅寰瀛仁格幽明道均天地故得山川林谷吐

金焰於層崖風雨雷霆見霜鋒於萬里一條秋水初觀出地之姿數尺線光宛耀倚天之勢仍彰變化顯著神奇昔歲帝得之於水心果吞六合今陛下獲之於江上即統萬方刺鐘切玉者能可比倫新馬斷蛇者那堪倚擬

賀逢昌運獲親殊祥輟貢諫詩願揚睿感謹課頌聖德七言四韻詩一首陳進于院宸嚴無任之至

臣某逢昌運獲親殊祥輟貢諫詩願揚睿感謹課頌聖德七言四韻詩一首陳進于院宸嚴無任之至

賀誅劉知俊表

臣某伏觀勅旨劉知俊以兇橫暴常已誅戮訖者罪惡甚盈人神共憤允符聖斷克正嚴誅臣某誠抃誠快頓首頓首伏惟劉知俊性惟兇狡器本凡庸有貪狼希且之心無報德懷恩之志願思危迫歸我大朝顯敷雨露之慈旋受師麾之寄委之非次待以不疑更陸

推殺之恩特付專征之任而咆哮自恣殘忍
為懷屠害黎元國遵刑憲廢大國撫柔之旨
奉聖朝吊伐之仁既負鴻慈難逃顯戮伏惟
陛下恩弘天地仁冠堯湯體至道以好生布
春和而照物夷蠻戎狄皆知慈育之深日月
星辰共鑒包荒之廣而知俊獨違聖造肆用
濫刑致遐徵之未通阻四方之向化今則雷
震震令斧鉞興誅使普天率土之人荷去惡
除兇之德克昌柞曆永福生靈其獲覩宸
威無任歡躍快抃之至

賀鶴鳴化枯樹再生表

某伏觀邛州團練使張敬周奏大邑縣鶴
鳴化玄一大師郭昭美申當化有古栢樹內
有七株枯多年今再生枝葉鬱茂異常州司
差人覆驗有實者仙山表既嘉樹呈祥符春
德之感通彰神功之茂育臣某誠歡誠抃頓
首頓首臣按瑞圖云帝王德及草木政致昇
平則松柏常生木有植異伏惟陛下膺圖啓
運握紀承天修文化而服遐荒推武風而平
九有恩周草木惠及蚩蜮窮蕃解辨以歸仁

嶺俗梯山而納賚由是涵濡異類感動殊倫
雪无霜禽栖翔接影應龍神恭表見為常今
者玉洞雲峯靈墟古化當炎漢理平之際乃
天師修道之鄉林麓森疎煙霞煥絕蒼崖翠
織凌空之轍跡猶存翠輝莎封化鶴之壇基
尚在而巖前古栢枯朽多年需雨露以重榮
吐黃芽而再茂喬柯疊翠葉凝陰彼王虞
之豫章難借繁感雖瀕鄉之仙檜莫繼積祥
惟七栢之興榮契下年之遐永祥編瑞諫古
昔無倫臣獲奉昌期頻聆嘉瑞敢陳謠詠願
播寰瀛謹頌聖德七言四韻詩一首陳進
稱賀以聞

賀西域胡僧朝見表

某伏以西域天竺僧到闕朝覲者天慈遐
被異域懷歸致萬里之蕃僧朝千年之聖主
華夷率化億兆同歡臣中賀伏惟陛下繼聖
統天體元立極惠周覆載仁臣案區戎蠻夷
秋之鄉皆遵聲教舞為商周之德莫繼欽明
由是縣寶川馳梯航霧集貢無虛月史不絕
書今者天竺遠戎慈山象俗在積雪流沙之

外比岑本塵島之間遙望千霄之雲遂起朝
天之雲言須重譯路想經年崎嶇不憚於窮
荒匍匐願瞻於聖日雖國澄入夏祇辭于闐
之東羅什偈恭亦自龜茲之北校其遐邇亦
驗專勤緬惟臣子之心允自聖明之感永編
國史克廣聖功臣獲奉天光不任

壽春節進元始天尊幀并功德疏表

某伏以九曲澄瀾二儀交泰星渚表流虹
之應斗樞開飛電之祥瑞叶千年歡周萬國
伏惟陛下握符受命端宸承天弘至道而繼
三皇敷上德而起五帝化覃海嶽恩普華夷
辨髮魏裳常修職貢四荒八極畢贊琛珍平
六府而天降殊祥洞三泉而地呈嘉貺莫不
書彼玉篆波躍金鱗默顯霜姿禽飄雪翅芝
英菌蠢膏露蕙蕙靈仙時見於煙巖貞樹重
榮於雲谷瓊儲歲稔寶貨川臻無向隅不獲
之夫有比屋可封之俗故得遐方慕聖異域
歸庭鼓舞翹誠歡呼率化桑乾瀚海僧法靜
則稽首朝天身毒窟賈三滿多則傾心入貢
皆瞻北極共祝南山今屬日麗九芒風和八

景壽春大節誕聖昌辰報繪真容願崇唐福
臣某與宮院道衆起今日一日開置靈寶延
壽道場七晝夜香燈燭潔焚誦精虔莫惡妙
道之功永祝無疆之壽前件畫像及功德疏
一通謹報陳進于宵宸聽無任

謝恩賜陽平山呂廷昌紫衣表

臣某伏奉勅恩賜陽平山主呂廷昌紫衣仍
補充內殿焚修大德者恩垂膏澤榮及巖林
草木增輝煙霞動彩凡栖簪榻共感休明臣
某中謝伏惟皇帝陛下惟睿開圖擇符御宇
仁覃九土咸臻積呈之私政布八荒已洽雍
熙之化由是群方速職重譯廣庭屬祝聖之
昌辰標壽春之大節布鴻私於二教耀皇澤
於萬區呂廷昌久處煙蘿深精藥餌方專心
於葺理敢企望於寵榮豈謂陛下念切勲臣
獎深術學以呂廷昌醫方著効致 彥謹危
疾獨除迺降隆恩願頒命服寬裳象簡難踰
天地之私慕燭朝香世奉聖明之照且某與
道衆等不任
廣成集卷之二

廣成集卷之三

上卿太清宮內供奉應制文章六德賜紫衣表

宣進天竺僧二十韻詩表

臣某伏觀西天三滿多到闕朝對者伏以比
通玉塞西渡金河路出重關程逾萬里班定
遠之經歷才及烏孫張博望之訪尋祇過青
海或蛇州懸磧人跡莫窮或飛雪流沙馬蹄
難至由是聲教或異職真少修崑崙白環首
標瑞典鍾山火玉顯謂祥珍況身毒居葱嶺
之陰于關隔雪峯之外天竺遼夏跋涉辛勤
慕中華億兆之尊嚮大蜀聖明之主專申朝
覲實美簡編伏惟陛下縱聖體乾膺圖啓運
德逾義頌仁冠堯湯修文德而御要宏權武
功而安寰海故得西夷率服萬寓知歸南道
交趾之鄉北聚穹廡之俗獻琛兼贊無曠歲
時竊惟聽政之餘每降自天之澤興私玄釋
勸獎崇修梵刹精嚴道宮煥麗一心齊致二
教俱榮紫霞洞之仙客効祥天竺國之胡僧
入貢咸歸聲感共福皇圖率土臣寮同深抃
蹈且某芝田木學蓬岫孤蹤獲奉天慈俯宣

明命謹課頌聖德七言詩二十韻一首陳進
冒黷宸嚴無任兢懼戰越之至

賀封資王忠王表

臣某伏觀降制封資王忠王者絲綸顯降典
禮昭行宗社貽休宸區增抃中賀伏惟皇帝
陛下仁推立愛道慕篤新增玉曆於延洪國
瑤枝於遠大鳳書錫命麟趾增華浮喜氣於
絳霄集榮光於朱邸臣歡逢聖運仰觀威儀
不任

賀新起天錫殿表

臣某伏觀恩勅大內新殿成賜名天錫殿者
鼎新正寢光錫嘉名中外榮瞻華夷增抃臣
中賀伏惟皇帝陛下承極啓運握斗垂衣包
九土以君臨開四門而教睦法天構宇隆帝
宅於上京拓地開基壯皇居於億世由是前
羅象門遐敞龍庭總日月之貞華高啟秀閣
集星辰之瑞彩廣啓文軒藝我歷來弄之墟
茂業應氏房之狀莫不嶽靈飛磻川后貢材
人以子來功資神助雖鶴宮層殿被縷細以
難倚漢閣周堂因尋常而莫並功云告畢寶